



UNIVERSITÄTS-
BIBLIOTHEK
PADERBORN

Avrea Gemma Christianorvm

Ruben, Leonhard

Paderbornae, 1604

XL. Christus à Pilato mittitur ad Herdoem ibide[m] nihil locutus, & irrisus
alba veste tandem remittitur ad Pilatum.

[urn:nbn:de:hbz:466:1-68313](https://nbn-resolving.org/urn:nbn:de:hbz:466:1-68313)

fecisti? Respondit Iesus: regnum meum non est de hoc mundo, si ex hoc mundo esset regnum meum, ministri mei utiq; decertarent, ut non traderer Iudais: nunc autem regnum meum non est hinc. Dixit itaq; ei Pilatus: ergo rex es tu? Respondit Iesus, tu dicis, quia rex sum ego, ego in hoc mundo sum, & ad hoc veni in mundum ut testimonium perhibeam veritati: omnis, qui est ex veritate, audit vocem meam: Dicit ei Pilatus: quid est veritas? Et cum hoc dixisset, iterum exiit ad Iudaeos, & dicit eis: ego nullam inuenio in eo causam.

CAPVT XL.

Christus à Pilato mittitur ad Herodem, ibidem nihil locutus, et irrisus alba veste remittitur ad Pilatum.

FIGVRAE. I. Dauid apud Achis regem Geth fugiens Saulem immutat vultum, & dicitur furere. 1. Reg. 21. 10. 11. 12. 13. 14. 15.

2. Filius prophetae missus ab Elifao ad regendum Iehu in regem Israëli à socijs Iehu in sanus habitus est. 4. Reg. 9. 11. 12. Iehu autem egressus est ad seruos domini sui, qui dixerunt ei: Responde nobis: quid venit in sanus iste ad nos? Qui ait eis: nostis hominem, & quid locutus sit? At illi responderunt. Falsum est sed magis narra nobis. Qui ait eis hac & hac locutus est mihi, & ait: Et dicit Dominus vnxi te regem super Israëli.

3. Rogant principes Sedechiam vt occideretur Ieremias, quasi non quærat pacem populo sed malum. Ierem. 38. 4. Et dixerunt principes

regi: Rogamus ut occidatur homo iste: de industria enim dissoluit manus virorum bellantium, qui remanserunt in ciuitate hac, & manus vniversi populi, loquens ad eos iuxta verba hac? siquidem homo iste non querit pacem populo huic sed malum.

4. Vulpium Samsonis caudæ colligatæ. Iudic. 15. 4. vt iam Pilati & Herodis animus

PROPHE TIAE. Psalm. 2. 2. 3. Astiterunt reges terra & principes conuenerunt in vnum aduersus Dominum. & aduersus Christum eius. Dirumpamus vincula eorum: & proiciamus à nobis iugum ipsorum. Plura superioribus capitibus.

VERITAS. Luc. 23. 5. 6. 7. 8. 9. 10. 11. 12. 13. 14. 15. At illi inualescebant, dicentes. Commouit populum docens, per vniversam Iudeam, incipiens à Galilæa vsq; huc. Pilatus autem audiens Galilæam, interrogauit si homo Galilæus esset. Et vt cognouit quod de Herodis potestate esset, remisit eum ad Herodem, qui & ipse Ierosolymis erat ipsis diebus: Herodes autem viso Iesu, gauisus est valde, erat enim cupiens ex multo tempore videre eum, eo quod audierat multa de eo, & sperabat signum aliquod videre ab eo fieri: interrogabat autem eum multis sermonibus: at ipse nihil illi respondebat. Stabant autem principes sacerdotum & scribæ constanter accusantes eum, spreuit autem illum Herodes cum exercitu suo: & illudit indutum veste alba, & remisit ad Pilatum. Et facti sunt amici Herodes & Pilatus in ipsa die, nam antea inimici erant ad inuicem. Pilatus autem conuocatis principibus

sacerdotum & magistratibus & plebe, dixit ad illos: obtulistis mihi hunc hominem quasi auertentem populum, & ecce ego coram vobis interrogans nullam causam inueni in homine isto ex his in quibus eum accusatis, sed neq³ Herodes, nam remisit ad illum, & ecce nihil dignum morte actum est in

CAPVT XLI.

Barabbas latro praefertur Christo Domino
& dimittitur.

FIGVRAE. 1. Adam & Eua eligunt magis mortem quam vitam. Genes. 2. 17. *Ex omni ligno paradysi comede: de ligno autem scientia boni & mali ne comedas. In quocumq³ enim die comederis ex eo, morte morieris. Quo mandato spreto, comedunt de ligno prohibito, & diabolus praefertur Deo. Ibid. cap. 3. 2. 3. 4. 5. 6. 7.*

2. Leprosus lepra mundatus duos pasce- res offert, quorum alter immolatur, alter dimittitur liber. Leuit. 14. 4. 5. 6. 7.

3. Sententia mortis fertur in Ieremias prophetam. Ierem. 26. 11. 12. 13.

PROPHETIAE. Psalm. 13. 3. 4. 5. *Omnes declinauerunt simul inutiles facti sunt: non est qui faciat bonum, non est usq³ ad unum sepulchrum patens est guttur eorum: linguis suis dolose agebunt venenum aspidum sub labijs eorum. Quorum es maledictione & amaritudine plenum est: veloces pedes eorum ad effundendum sanguinem. Contritus est*